



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

13 APR 1901

891.99

4-19

Այ

ԲԱՐԵՊԱՇՏՆԵՐԸ

(ԱՐԵՒԵԼԵԱՆ ԶՐՈՅՑ)



9008

ԽԱԶԱՏՈՒՐ ՔԱՀ. ՓԱՆԵԱՆՑ

7007
32251
1575
1000
անլ. Վ. Չ. 217


(Արտասպաժ ճնոր-հարս լրագրից)

Թ Ի Փ Լ Ի Ս

Արագ. տպար. Մ. Մարտիրոսեանցի

Մկրայելեան փողոց № 81

1901





Дозволено Ценз. Тифлисъ 7 Юля 1901 года.

ԲԱՐԵՊԱՇՏՆԵՐԸ

(ԵՐԵՒԵԼԵԱՆ ՉՐՈՅՑ)

Ա

Յեռու արեւելքում՝ մի քաղաքի կեդրոնում կանգնած էր մի հոյակապ ապարանք: Ապարանքին կից ձգուած էր մի եղեմական պարտէզ: Պարտէզը լի էր ամեն տեսակ ծառերով ու ծաղիկներով: Ծաղկանց թագուհի վարդը տարուայ իւրաքանչիւր ամսում բացուելով՝ իւր ախորժահոտ բուրմունքը միախառնում էր միւս հոտաւէտ ծաղկանց բուրմունքի հետ և պարտէզը լցնում մի երկնային անուշահոտութեամբ: Մշտադալար ուռնիին ու բարձրակատար բարդենին դիւթում, զրաւում էին անցորդի քաղցր ուշադրութիւնը: Վարդի սիրահար սոխակն առաւօտից մինչև երեկոյ իւր սիրեկան վարդի գովքն էր երգում, նրան էր նուիրում իւր սրտի խորքում պահած ամենանուիրական տաղերը, նրան էր ձօնում իւր քաղցրիկ դայլայիկները. նրա բացուելուն համար այնքան սուլում, ծըլ-

ւրլում, կլկլացնում էր, որ ուժասպառ լինելով՝
յոգնում, լուում էր:

Բայց պարտիզի ամենագլխաւոր հրաշալիքը
կազմում էր մի հիանալի շատրուան. ջուրը իւր
երկինքանդ գոյներով ցայտում էր վերև, որ-
պէս անձրևի կաթիլներ, բիւրեղանման թափ-
ւում շուրջը շինուած մարմարեայ աւազանի մէջ:
Հրաշալի էր շատրուանը՝ մանաւանդ գարնա-
նային գեղեցիկ առաւօտներին: Մերթ պատ-
կերանում էր որպէս գեղեցիկ արևանման հե-
ղեղ, մերթ ցայտում էր որդան կարմրի գոյնով,
մերթ՝ ջինջ երկնակամարի կապոյտ երանգն էր
ստանում, մերթ՝ շողշողում էր փառահեղ ծի-
րանի գոյնով և մերթ խաղում էր որպէս կա-
տարեալ ծիածան իւր ամբողջ գոյներով:

Ահա այդ բազմերանգ շատրուանի ցոլքե-
րից կազմուած մարմարեայ աւազանում ամեն
առաւօտ ու երեկոյ լողանում էր պարտիզի յա-
ւերժահարս-թագուհին: Այդ շքնաղ կոյսն ապա-
րանրի տէր հարուստ վաճառականի դուստր էր:
Քեղեցիկ, շատ գեղեցիկ էր Նազլու խանումը:
Նա բոլորել էր արդէն 22 տարին: Բարձրահա-
սակ էր նա, որպէս պարտիզի բարդենին, մըշ-
տադալար ու թարմ՝ որպէս ուռենին: Մէջքը
բարակ, կուրծքը լայն, աչքերը ծով, յօնքերը
կամար, մազերը խիտ, սև սաթի պէս, որոնք

փուլում, տարածւում էին մինչև տատրականման
սոտերի սրունքները: Հրաշագեղ էր Նազլու
խանումը:

Երբ նա իջնում էր պարտէզ լողանալու հա-
մար, անուշահոտ ծաղիկներն աւելի ծաղկում
փթթում էին. շատրուանն աւելի ևս բարձր ու
բարձր էր ցայտում իւր երանգ երանգ շիթերը.
Վարդն ու սոխակը միմեանց սիրով ոգևորուած՝
երգեցիկ թռչունների հետ սկսում էին նրա
գովքը երգել, իսկ մարմարեայ աւազանն աւելի
լայն էր բաց անում իւր կուրծքը շքնադատես
կոյսին ընդգրկելու, նրանից բաղդրիկ համբոյր-
ներ առնելու: Սիրում էր Նազլուն պարտէզը,
բայց աւելի ևս վարդն ու սոխակը:

Հայրական ապարանքին կից, դէպի արև-
ւելք, ուր գտնւում էր պարտէզը, կառուցուած
էր Նազլուի առանձնարանը: Հայրն ու մայրը,
և առհասարակ ընտանիքի իւրաքանչիւր անդա-
մը, միայն որոշեալ ժամերին կարող էին տե-
սակցուիլ Նազլուի հետ: Այդպէս էր պատուի-
րել Նազլու խանումը, որպէս զի չվրդովեն իւր
խաղաղ սիրտն ու հոգին, որ ըստ երևոյթին,
տուած էր միայն Աստծուն:

Առաւօտ էր. օրուայ տեսակցութեան ժա-
մը մօտեցել էր: Նազլուի սանդուխտներով յաճ-
րաբայլ բարձրանում էր նրա հայրը: Այդ մար-

դը, որ իւր դստեր արտաքին գեղեցկութեան հակապատկերն էր ներկայացնում, մի շատ բարի ու առարինի մարդ էր հռչակուած: Նրա քայլելու եղանակից կարելի էր գուշակել, որ բաւական մտախոհ էր նա. կարծես մտմտում լինէր, թէ ինչպէս պէտք է բացէր իւր սիրտը իւր դստեր առաջ:

Ահա նա մօտեցաւ դռանը, կամացուկ կիսաբաց արաւ և... նրա աչքի առաջ պատկերացաւ հետեւեալ տեսարանը: Նազրուն ծնկաչոր, գլուխը խոնարհած դէպի ձախ ուսը, մագերը սանձարձակ թափուած ուտերի վրայ, աչքերը սևեռած առաստաղին — դէպի երկինք, երկու ձեռքը համաշափ դէպի վեր պարզած՝ աղօթում էր Աստուծն: Այդ դրութեան մէջ Նազրուն էլ աւելի հրաշագեղ էր, էլ աւելի չըրնադատես: Մերթ ծնրադրում էր, մերթ լսելի ձայնով աղօթք մրմնջում, և մերթ արտասուքի բիւրեղանման կաթիլները նրա ծովանման աչքերից վարդագոյն այտերի վրայով հոսալով՝ թափուած էին կուրծքի վրայ: Պահ մի սպասելուց յետոյ՝ հայրը բոլորովին բաց արաւ դուռը և մտաւ դստեր սենեակը: Նազրուն իբր ոտերի ձայնից սթափուելով՝ աչքերը դարձրեց այն կողմ և նկատելով իւր հօրը՝ իսկոյն ոտրի կանգնեց, մօտեցաւ նրան և քնքշաբար բռնելով նրա ձե-

ւր՝ մօտեցրեց իւր շրթունքներին և քաղցր համբոյր գրոշմեց վրան:

— Զաւակս, ես դարձեալ նոյն նպատակով եկած եմ մօտդ: Այն երիտասարդն ինձ հանգօտութիւն չի տալիս իւր անընդհատ թախանձանքներով: Արի, դաւակս, լսիր հօրդ խորհուրդը, տուր համաձայնութիւնդ և եղիր նրա ամուսինը: Նա շատ գեղեցիկ երիտասարդ է, ինձնից աւելի հարուստ, և որ գլխաւորն է՝ համեստ, բարեբարոյ և առարինի տղայ է: Չատ յարմար դոյզ էր, կարծես մէկը միւսի համար չափուած, ձևուած: Ես վստահ եմ, որ երկուսդ ամուսնանալով՝ ձեր պալատը դրախտ կը դարձնէք, և երջանկութիւնն ու Աստուծոյ օրհնութիւնն անպակաս պիտի լինին ձեզնից, եթէ հաւատարմութեամբ, փոխադարձ ղիջողութեամբ և հնազանդութեամբ կրէք ձեր ամուսնական լուծը:

— Հայր, սիրելի հայր, ինչպէս միշտ, այժմ էլ խնդրում եմ, մի խօսիր այդ հարցի մասին: Ես ուխտել եմ շամուսնանալ երբէք. իմ սիրտն ու հոգին միայն Աստուծուս եմ տուել. մեղաց հացին ամենեկին չեմ ախորժում: Միթէ քեզ հաճելի կըլինի, որ այսքան տարուայ իմ աղօթքը, իմ սրբացած կեանքը, իմ արդարութիւնը քոտի տակ տալով՝ ինձ կապեմ մեղանշական

կեանքի հետ. և այդ ինչու համար: Փնոր Աստուծոյ, նա քեզ համար բարիք շնորհել է, և ես քո շնորհիւ նիւթական ոչ մի կարօտութիւն դեռ չեմ գգացել: Թո՛ղ որ ես իմ բարոյական և հոգեկան պարտքս կատարեմ: Հայր, աղօթք աղօթք և դարձեալ աղօթք... աղօթել հարկ է միշտ, անընդհատ աղօթել. առանց ձանձրանալու աղօթել, որպէս զի սրբուիւնք, որպէս զի արդարանանք՝ Աստուծոյ արքայութիւնը ժառանգելու համար.— Բայց տեսնում եմ, որ արդէն նեղսրտում ես. թո՛ղ քո կամքը լինի: Զիջանելով թախանձանացո՞ խոնարհութեամբ ընդունում եմ առաջարկութիւնդ միայն պայմանով՝ որ նա այսպիսի մի առանձնարան չի նէ ինձ համար իւր պարտէզով, իւր բոլոր յարմարութիւններով ու պարագաներով, որ որոշեալ ժամերին տեղի ունենայ ընտանեկան տեսակցութիւնները, որ ես դարձեալ ազատ լինեմ աղօթքիս յետեից լինելու, որ ոչ ոք իրաւունք չունենայ խանգարել ինձ միայնակութեանս ժամերում...

Հայրն ուրախացած՝ հեռանում է աղջկայ մօտից և եղելութիւնը հաղորդում փեսային: Իւրաքանչիւր պայման ուրախութեամբ ընդունւում է:

Հազիւ հայրը դուրս գնաց թէ չէ, ահա

արևելեան դռնից, որ տանում էր դէպի պարտէզը, երկչոտ քայլերով, աջ ու ձախ անընդհատ նայելով՝ նազուի առանձնարանը մտաւ մի լայնաթիկունք խարտեաշ երիտասարդ... Յե ահա բացւում է նոր տեսարան: Նազուին նրստած է երիտասարդի մօտ ծունկ ծնկան. բամբականման կուրծքը կիսով չափ բաց՝ նա իւր նազների գլուխը դրել էր երիտասարդի կուրծքին... Բայց ահա նրա հոլանի թևերը տարածուեցաւ օդում և երկուսը գրկախառնուեցան իրար... Անընդհատ տեղացող սիրատոշոր համբոյրները, որ գրոշմում էին նազուի նուրբ ու նռնանման շրթուներին, կարմիր այտերին, նրան ինքնամոռացութեան մէջ էին գցել... Ո՛րպիսի սիրախօսութիւններ: Այն աղօթասէր նազուին, այն երկիւղած բարեպաշտուհին միանգամայն հակապատկեր գրութիւն էր ներկայացնում, — մի կատարելագործուած փարիսեցի, որ իւր արտաքին կեղծ ու պատիր արարողութիւններով, զանազան բարեպաշտական ցոյցերով խաբում էր հօրը և շլացնում ամբօխին, որը նազուի աղօթքի, նրա ճգնաւորական կեանքի մասին շատ էր լսած և նրան իսկական բարեպաշտուհի համարելով՝ սրբացրել էր նրան: Ամբօխին զրաւել, դիւթել էին նրա արտաքին

բարեպաշտական ձևերը, իսկ նրա ներքին աշխարհին տեղեակ չէր ոչ որ...

Բ

Բարեպաշտունու քաղաքից 30 վերստ հեռավորութեան վրայ գտնուող մի այլ քաղաքի ծայրին տենդային արագութեամբ մի նոր շինութիւն էր կառուցանուում: Բարեպաշտ հարսնացուի նոր ապարանքն էր այդ. նոյն ձևով, նոյն ճաշակով և նոյն յատակագծով, որպիսին հայրական տունն է: Ապարանքին կից գտնուում է նրա առանձնարանը, որի դուռը դարձեալ բացուում է դէպի պարտէզը. նոյն շատրուանը, նոյն մարմարեայ աւազանը, նոյն ուռենիներն ու բարտիները, նոյն ծաղիկները, բայց աւելի թարմ, աւելի մատաղ և աւելի կուտական:

Վերջապէս տեղի ունեցաւ ցանկալի բոլորէն: Նրանք արդէն ամուսնացած են: Ըստ երևոյթի՛ն՝ երջանիկ զուգաւարութիւն: Այր ամուսինը իւր հոգու բոլոր գորութեամբ սիրում էր իւր բարեպաշտ կնոջը: Իւր սիրտն ու հոգին, իւր հարստութիւնն ու փառքը նուիրած էր իւր գեղեցիկ նազլուին:

Բարեպաշտ տիկինն նազլուն, ըստ սովորութեան, միայն որոշեալ ժամերին էր ընդու-

նում իւր մօտ ամուսնուն, նրա համար ընտանեկան այլ զուարճութիւններ չկային: Միւս ժամերին նա փակուում էր իւր առանձնարան ապարանքն աղօթելու: Քանի՛-քանի՛ անգամ այր ամուսինն ականատես էր եղել, թէ ինչպէս իւր բարեպաշտ նազլու խանուումը ծնկաչոր, արտասուքն աչքերին, ձեռքերը խաշած՝ աղօթում էր Աստծուն: Ամուսնու սիրտը յցում էր երկիւղածութեամբ, փառք էր տալիս Աստծուն, որ այնպիսի բարեպաշտ, աստուածասէր ու առարիւնի կին ունի և էլ աւելի սկսում էր անսահման սիրով սիրել նրան: Չուտով այդ քաղաքի հերոսունէին է դառնում բարեպաշտ նազլուն: Ամենըը նրան գովում են, նրանից պատկառում, սկինածում են. նրա հռչակը, որպէս բարեպաշտունու, տարածուում է ամբողջ քաղաքում և շրջակայքում: Բայց արևելեան դուռը... խարտեաչ երիտասարդը... սովորական այցելութիւնները... համբոյրները... գրանք ևս իրենց սովորական հերթին տեղի են ունենում...

Այսպէս անցնում է երեք տարի: Եւ անաքաղաքում խուլ կերպով տարածուում է մի ինչ որ շարագուշակ լուր, որ իբր բարեպաշտ նազլուն անհաւատարիմ է դէպի իւր ամուսինը, որ նա հումանիներ է պահում, որոնց հետ տեսակ-

ցութիւններ է անում աղօթքի պատրուակով ունեցած ժամերում:

— Բարեկամ, — ասաց մի անգամ բարեպաշտ Նազլուի ամուսնու մտերիմներից մինը, քեզ մի մեծ գաղտնիք պիտի հաղորդեմ, որ վերաբերում է քո ընտանեկան կեանքին: Քո ամուսին Նազլուն սուտ ջարեպաշտուհի է: Նա սիրեկաններ ունի, նա քեզ խաբում է իւր աղօթքներով, իւր արտաքին ձևերով: Ի հարկէ՝ անհաւատալի կը թուի քեզ, և տեսնում եմ արդէն, որ կասկածանքով ես վերաբերում ասածներին, բայց սխալում ես: Գու պատճառ չունիս կասկածելու, քանի որ իմ մտերմութիւնը քեզ յայտնի է. ասածս ճիշդ է. դու զիտես...:

Կարծես երկինքը փլեց խեղճ մարդու գլխին: Կարծես շանթահար եղաւ նա: Հաւատալ իւր ականջներին՝ դժուարանում էր նա: Մի՛թէ... իւր բարեպաշտուհին... իւր աղօթասէր, իւր աստուածավախ կինը... Հոգեկան մի ներքին կռիւ բորբոքուել էր նրա սրտում: Ձեռքերն ու շրթուներնրը մերթ սկսում էին դողդողալ, մերթ ինքն իրեն սկսում էր խօսել, մերթ բռունցքներն էր օդի մէջ խաղացնում...:

Այսպիսի մտատանջութեամբ նա անզիտակցաբար ու անզգայաբար գնում էր, մինչև

հասաւ մի դռան: Եւ երբ դուռը բաց արաւ, այն ժամանակ միայն սթափուեցաւ նա: Սթափուեցաւ... Յանկարծակի, անժամանակ անզգայաբար բացել էր կնոջ առանձնասենեակի դուռը... Իւր առաջ պատկերացած սոսկալի տեսարանից սարսափեց, երեքաց, դողդողաց և քիչ էր մնացել ուշաթափ վայր ընկնէր... Մէկ էլ յանկարծ մի ահարկու ձայն դուրս թռաւ նրա բերանից և խելագարի պէս դուրս թռաւ սենեակից...:

9

Մայիսեան վերջին օրերից մէկն էր: Արեգակը դեռ երկու ասպարէզ միայն բարձրացել էր: Երևում էր, որ օրը բաւական շոգ պէտք է լինի, քանի որ օրուայ դեռ այդ ժամին տաքութիւնն արդէն խիստ զգալի էր: Դաշտային պարապմունքների ամենաթունդ ժամանակն էր, և խառնիճաղանճ ամբոխն արդէն լցուել էր դաշտերը:

Այդ միջոցին՝ ճանապարհով անցնում էր մի մարդ մտամոլոր, մտախոհ ու ծանրաբայլ: Երեսը դժգոյն՝ կարծես գերեզմանից վեր կացած մեռել լինէր, և անյնքան տխուր, այնքան տրտում էր, որ նայողին սարսափ կարող էր

ազգել: Երևում էր՝ որ մարդը հոգեկան զգալի տանջանքներ է կրել:

Քիչերից շատ անց էր արդէն, որ նա հասաւ մի անծանօթ քաղաք: Քաղաքի մէջ լուծիւն էր տիրում. այդ նշան էր որ քնած էին ամենքը: Միայն մէկը կար, որ չէր քնել: Նա իւր անքուն աչքերով բարձրից դիտում էր քաղաքը և հսկում. այդ լրացած լուսինն էր, որ իւր արծաթափայլ լոյսը սփռել էր ամեն տեղ և քաղաքն այնպէս լուսաւորուած էր, որ թւում էր էր թէ ցերեկ լինի:

Անծանօթը շատ զէս ու զէն ընկաւ իջեւանելու մի տեղ գտնելու համար, բայց ճրագի աղօտ լոյս անգամ չկարողացաւ նշմարել ոչ մի տեղ: Այդպէս էր արևելեան այդ քաղաքի սովորութիւնը: Անց ու գարձն ընդհատուած էր, իսկ ինքը գիշերելու տեղ չունէր: Ի՛նչ անէր արդեօք, մնացել էր շուարած: Վերջապէս կանգ առաւ երկու պատերի մէջ տեղում դռնուղով մի փոքրիկ անկիւնի մօտ:

Ահա այստեղ մեր անծանօթը նստեց, մէջքը տուաւ պատին և կրթնելով՝ իւր կռները բարձի տեղ ծառայեցնելով՝ հանդատութիւն տուաւ իւր խոնջացած անդամներին: Մորփէոսը իւր թևերը տարածելով նրա վրայ, մի այնպիսի անուշ քուն պարգևեց օտարականին,

որ ներքև՝ իւր տակի չոր գետինը և վերև՝ բացօդեայ երկինքը նրան թւում էր՝ թէ իւր ապարանքում, իւր փափուկ մահճակալի վրայ, իւր մետաքսեայ անկողնումն է պառկած:

Խորին լուծիւնն ամեն տեղ տիրել էր: Լուսինն իւր միահեծան թագաւորութեան մէջ էր: Նա բակ բոլորած՝ իւր խորհրդաւոր շրջանն էր կատարում և ամեն շար ու բարու միակ ականատեսը նա էր:

Ահա և այգը: Վաղ արշալոյսին, երբ Ադամայ մութն ու լոյսը դեռ իրարուց չէին բաժանուել, երբ աշխարհի շարն ու բարին դեռ իրար հետ կուում էին, երբ հորիզոնի արևելեան կողմը կարմիր քրքումի գոյն էր ստացել և բոցալառուած՝ իւր հետ այրում ու կրակ էր դարձնում և այն կտոր-կտոր ամպերին, որոնք տեղ-տեղ երևում էին այդտեղ երկնքի վրայ, — ահա այդ պահուն, առաւօտեան արշալուսի այդ շաղաթաթախ ժամին՝ երգեցիկ թռչուններն իրենց նուագածութիւններն էին սարքել: Հէնց այդ ժամին՝ մեր անծանօթի ականջին մի քաղցր ծլւլոց հասաւ, այդ ծլւլոցն այնքան խորթելի, այնքան հրապուրիչ էր, որ կարծես դիւթում և աւելի ծանրացնում էր նրա աչքերի կոպերը: Այդ սիրահար սոխակի սրտակէզ մորմոքներն ու մրմունջներն էին, որ այժմ եր-

կնքի այդ ծանր երկունքը տեսնելով աւելի ևս ոգևորուել էր և իւր վարդի քնքոյշ կովոնիկի երկունքից ազատուելուն համար՝ իւր սրտաշարժ տաղերն էր նուագում, որ իւր վարդը բացուի, որ իւր թշիկը կանաչ ծածկոցի տակից հանէ, իրեն մի ցոյց տայ... Մերթ կլկլացնում էր յուսահատ խեղդուող ձայնով, մերթ հոգոց ու հառաշանքներ արձակում, մերթ խրախուսիչ քաղցրիկ դայլայլիկներ, սիրալիր մեղեգիներ, ոգևորիչ տաղեր, և ահա կարծես նրան թուում էր, թէ վարդը, իւր սիրուն վարդը, նոր դարդարանքներով պճնուած, սիրուն հարսի պէս՝ քիչ հեռուն կանգնած, ձեռքը կարմիր այտերին դրած՝ հրաւիրում էր նրան, իւր սիրամորմոք սոխակին՝ քնքոյշիկ համբուրիկ առնել, իւր տապացած սրտին քանի մի կաթիլ երկնային անուշահոտ ցոյ կաթեցնել, այդ ցոյզը, այդ արցունքը որպէս բուժիչ բալասան՝ դնել իւր կրակած սրտին: Բայց սոխակն այրում, տոչորում էր և նրա սէրը, նրա հրաբորբոր ու հրատապ սէրը չէր կարողանում յագեցնալ, զովանալ...

Փշում էր առաւօտեան անուշ հովը. քաղցրաշունչ գեփիւռը սրսրալով անցաւ նրա գլխի վրայով, շարժելով նրա մաղերը:

Ահա այդ ժամին աչքերը բաց արեց մեր օտարականը: Հեռուից նրա ականջին հասնող

սոխակի մեղեգիները, վարդի սիրով վառուած նրա տաղերն օտարականի մէջ տխուր յիշողութիւններ զարթեցրին և նրա աչքերից արտասուքի հեղեղներ սկսեցին հոսեցնել: Խեղճ օտարական: Նա յիշեց իւր անցեալը, յիշեց, թէ ինչպէս ինքը ևս անբաղդ սոխակի նման, գիշեր-ցերեկ իւր սիրահարի, իւր բարեպաշտուհու գովքն էր երգում. նրա սիրով այրում, տոչորում, թէ սրբան աղօթքներ, քանի՜ քանի՜ մաղթանքներ է կարդացել նա դէպի վերև, դէպի երկնքի այդ անհուն բարձրութիւնը, դէպի այնտեղ՝ աստղերի, արեգակի և բարձրբարձր լուսատուների թագաւորութիւնը, ուր նրանցից էլ աւելի բարձր՝ Ամենաբարձրեալն էր նստած, մինչև որ հասաւ նա իւր բաղձանքին, իւր շնաշխարհիկ Նազուին: Բայց մարդ, վարդ, սէր, սրբան տարբեր են միմեանցից: Մէկը փշերով պատած, որպէս ամուր պարիսպներ, որպէս քաջ ու արթուն պահապաններ, բայց անարատ, մաքուր, ուր ներս թափանցել չեն կարողանում պիղծ ոգին, շարանենդ ու խարդախ սէրը, այլ միայն սոխակի սուրբ ու անբիծ սէրը, նրա քնքոյշ խանդաղատանքը: Միւսը — անփոշ, բայց, հարիւրաւոր հովերի ազդեցութեան տակ տարուբերուող սիրտ, անմաքուր ու արատաւոր սէր, կոպիտ ու անտաշ հրապու-

17725
1001

րանք: Վարդ՝ անկեղծ, մարդ՝ ամեն ինչ կեղծ: Օտարականը յիշեց այդ բոլորը: Իսկ այժմ ամեն ինչ անդառնալի կորած է՝ և՛ սէրը, և՛ յոյսը, և՛ հաւատը, և՛ սիրտն ու հոգին, խաբուսիկ ցնորքներ, խաբուսիկ երեւակայութիւններ... Այժմ, — օտար հողի չոր, կոշտացած դետնի վրայ պառկած, օտար աստղերի, օտար երկնքի տակ միայն իւր վաստակած մարմնին, իւր տանջուած հոգուն, իւր փոշոտուած դէմքին, իւր հիւծուած, մաշուած ու չարչարուած սրտին հանդիստ էր տալիս:

Նա նորից յիշեց սոխակի երգը, և նրա սիրտը լցուեցաւ, սկսեց բարձրանալ, ուռչիլ, խեղդել նրա կոկորդը և յանկարծ փղձկեց, և յորդահոս արցունքները նորից դուրս ցայտեցին նրա աչքերից... և խեղճ անձանօթն ընկաւ ինքնամոռացութեան մէջ և բազր տեսիլներ ու անուրջներ տիրեցին նրան: Եւ ահա նրա աչքի առաջ պատկերացաւ մի հրաշագեղ կոյս, ծնկաշոր, աչքերը դէպ երկինք ուղղուած՝ ազօթք էր մրմնջում: Նայում է, նայում է անթարթ, մինչև որ չբացաւ պատկերը: Քայց ահա նորից նոր պատկեր: Ջրեղ դահաւորակի վրայ բազմած է նոյն չքնաղ կոյսը. մարմար կուրծքը բաց և իւր բամբականման փափուկ հոլանի կոնները տարածած՝ գրկել էր մի դանգրա-

հեր երիտասարդի... ահա մի սիրատու ճամբոյր, համբոյր նենգաւոր... և մի ուրուական, մի զարհուրելի ուրուական նրան հանդիստ չէր տալիս, նրան հալածում էր փախչել հուռու, աւելի հեռու երկիրներ: Օտարականը ցնցուեց, յանկարծակի տեղից կանկնելով՝ ուզեց փախչիլ այդ ուրուականի ազգեցութիւնից, բայց անուրջների յոգնածութիւնից և հոգեկան տանջանքից իսպառ թուլացած՝ նորից ընկաւ գետնին, սկսեց լալ, անվերջ լալ...:

— արեւ... նա ունի սր... արարեալ... միջանակ կարող...
 - Երբ որ զայն արեւ... արարեալ... միջանակ կարող...
 - Երբ որ զայն արեւ... արարեալ... միջանակ կարող...

Վերջապէս սթափուեցաւ օտարականը, բարձրացաւ տեղից: Արեգակն արդէն դուրս էր եկել և երկնքի վրայ բաւական ճանապարհ էր կտրել: Անց ու դարձն ամեն ուրեք սկսուել էր: Քայց այս ինչ շշուկ, այս ինչ փսփոց ու իրարանցում է տիրում շուրջը: Քանի վնում է, շշուկներն աւելի են բարձրանում, աղաղակներ դառնում: Ամենքը վազում են դէպի քաղաքի յայտնի փողոցներից մէկը:

— Ի՞նչ է պատահել, բարեկամ, այդպէս շտապով ինչո՞ւ ես վազում, — ասում է քաղաքացիներից մինը իւր ծանօթին: — Միթէ դեռ չես լսել, որ այս գիշեր Ս.

աղայի խանութը կտրել են, նրա միջի արծաթ-
 թեղէն ու ոսկեղէն իրեղէնները, փող, մեծ հա-
 բըստութիւն տարել: Եւ երկու ծանօթներն իրենց քայլերն ուղ-
 դեցին և շտապեցին գէպի եղելութեան վայրը:
 Չայնը հասաւ թագաւորին: — Դարձեալ գողութիւն, — մտածում է թա-
 գաւորը. — այս սրբան շտապան գողութիւն-
 ներն այս վերջին տարիներում: Եւ զարմանալին այն էր, որ այդ բոլոր
 գողութիւններն էլ անյայտ էին մնում: Թագա-
 ւորին ոչ մի կերպ չէր յաջողում շարագործ-
 ների հետքը գտնել տալ: Մանաւանդ վերջեր-
 քում քաղաքի ամենայայտնի մարդկանց պա-
 տահած այդ դժբաղդութիւնները թագաւորի
 սիրտը խոր խոցեցին: Բայց երբ լսեց, որ այս
 վերջին կողոպտուած խանութը իւր բարեկամ
 ու սիրելի Ս. աղային էր պատկանում, աւելի
 ևս սրտմտեց: Ուստի կանչել տուաւ քաղաքի
 բոլոր ոստիկաններին ու թաղապետներին և
 սաստիկ հրաման արձակեց, որ եթէ նրանք
 մինչև երեք օրը յանցաւորներին չգտնեն, նրանց
 ամենքին էլ սաստիկ պատիժներ պիտի տայ,
 ոմանց հեռաւոր արքորավայր արտոր ուղարկե-
 լով, ոմանց կախաղան բարձրացնել տալով:
 Քաղաքը նորից վարանման մէջ ընկաւ:

Յոսահատութիւնը տիրել էր բոլոր ոստիկան-
 ներին ու թաղապետներին: Նրանք մնացել էին
 մոլորուած. ինչ անէին, ում օձիրից կենային,
 ում վրայ կասկածէին. իրենց քաղաքում այդ-
 պիտի կասկածաւոր մարդիկ չէին ճանաչում:
 Էլ տեղ չմնաց, էլ աւերակ տներ քաղաքի շուր-
 ջը, սահմաններում, էլ զնացող, եկող, էլ բա-
 րեկամ, ծանօթ, անծանօթ չմնաց, որ չհար-
 ցընէին, չհետախուզէին: Բայց ի գոր աշխա-
 տանք: Չարագործներին չկարողացան բռնել:
 Եւ արեւելեան սնտիապաշտ ու անհաւատ
 այդ քաղաքում զանազան առասպելներ տա-
 րածուեցան, որ իբր այդ գողերը մարդիկ չլինել
 չեն կարող, այլ միայն քաջքեր, դեեր, սատա-
 նաներ. այլապէս նրանք չէին կարող իրենց
 այդքան խիստ հետապնդումներից խուսափել:
 Եւ պատրաստում էին այդ առթիւ զեկուցումն
 անել թագաւորին, թէ քաջքերին բռնելու հա-
 մար իրենց մարդկային ոյժն ու հետադօտու-
 թիւնը շատ անգոր է: մեծանուն
 Մ. աղային էր պատկանում, աւելի ևս սրտմտեց:
 Չայնը հասաւ թագաւորին: — Դարձեալ գողութիւն, — մտածում է թագաւորը.
 այս սրբան շտապան գողութիւններն էլ անյայտ էին մնում: Թագաւորին ոչ մի կերպ չէր յաջողում շարագործների հետքը գտնել տալ: Մանաւանդ վերջերքում քաղաքի ամենայայտնի մարդկանց պատահած այդ դժբաղդութիւնները թագաւորի սիրտը խոր խոցեցին: Բայց երբ լսեց, որ այս վերջին կողոպտուած խանութը իւր բարեկամ ու սիրելի Ս. աղային էր պատկանում, աւելի ևս սրտմտեց: Ուստի կանչել տուաւ քաղաքի բոլոր ոստիկաններին ու թաղապետներին և սաստիկ հրաման արձակեց, որ եթէ նրանք մինչև երեք օրը յանցաւորներին չգտնեն, նրանց ամենքին էլ սաստիկ պատիժներ պիտի տայ, ոմանց հեռաւոր արքորավայր արտոր ուղարկելով, ոմանց կախաղան բարձրացնել տալով: Քաղաքը նորից վարանման մէջ ընկաւ:

նորից ամայացել էր: Մօտ կէս գիշեր էր: Քաղաքապահներին մինը, վաղուայ օրհասական ժամի մասին մտածելով մտամոլոր, անյոյս անցնում էր քաղաքի փողոցներից մէկով: Նրանից ոչ հեռու, փողոցի անկիւններից մէկի պատի տակ նա լուսնի լուսով մի ստուեր նկատեց և քայլերն ուղղեց դէպի այդ կողմը: Նրա սիրտը մի կերպ տրոփում էր ուրախութիւնից, գուշակելով իւր համար մի բարիք: Ո՞վ կարող էր լինել այդ մարդը, եթէ ոչ գող ու աւազակ: Եւ քաղաքապահը իւր մտքումը դրական որոշումն կայացնելով մօտեցաւ այն ստուերին: Նա խոր քնած էր: Երեսի դէմքը, շորերի ձկն իրեն անծանօթ: Նա իրենց երկրացի չէր: «Սա սատանայ կը լինի մարդու կերպարանքով», — մտածում էր քաղաքապահը, «բայց ո՞վ և լինի, անշուշտ Ս. աղայի խանութ կտրոզն է սա»:

— Է՛յ, ո՞վ ես, գարժնիր, — ասաց քաղաքապահը:

Խեղճ անծանօթն անսովոր շարժումներ էր անում: Նա կարծես երազում լինէր, և առաւօտեան արշալուսին սոխակի երգը և իւր անցեալ կեանքի վաղանցուկ փառքը նրան գիշերը ևս հանգստութիւն չէին տալիս: Հիւանդ մարդու նման կարծես՝ զառանցում էր: Եւ նրան թւում էր, որ շատ խոր, խոր անդուն-

դից մի ձայն էր հասնում ականջին: Նա կամենում էր պատասխանել, բայց ձայնը խեղդուում էր, զըլզըլցնում կոկորդում և այդպէս մարում էր:

— Է՛յ, վեր կաց, ո՞վ ես, — կրկնեց քաղաքապահի ձայնն աւելի բարձր:

Օտարականն աչքերը բաց արեց և իւր առջևը մի սպառազինուած մարդ տեսնելով՝ սարսափից իսկոյն ոտքի կանգնեց և անթարթ աչքերով նայում էր նրան:

— Ի՞նչ մարդ ես դու, հարցրեց քաղաքապահը երրորդ անգամ:

Օտարականն սթափուեցաւ և իւր բոլոր ոյժք ժողովելով՝ պտտասխանեց:

— Մի խեղճ անծանօթ օտարական եմ, քնկել եմ այս քաղաքը, ոչ որ ծանօթ չունեմ, գիշերելու տեղ չեմ ճանաչում, և ահա այս երրորդ օրն է, որ այս խուլ փողոցի անկիւնում այսպէս կուչ եկած՝ անց եմ կացնում գիշերուայ հանգստութիւնս:

— Չատ բարի, ես քեզ գիշերելու լաւ տեղ ցոյց կը տամ, հետևիր ինձ, — ասաց քաղաքապահը և քայլերն ուղղեց դէպի ոստիկանատուն: Օտարականը, այդ մեր ծանօթ բաղդահալածեալը, իւր գլխին գալիք շարագուշակ նոր դէպքեր նախատեսելով՝ մտատանջ հետևեց քաղաքապահին:

մնայլ ամ ամբողջապա նստանայր զի մշտն զն զպի
զի նստարարմոյ զմշտն զնստարարմոյ զնստարարմոյ զնստարարմոյ

Հետեւեալ առաւօտ ոստիկանատան առաջ մի խումբ ոստիկաններ ու քաղաքապահներ բռնուած՝ տար տար խօսում էին և ուրախ-ուրախ ծիծաղում: Նրանցից իւրաքանչիւրը իւր հետարբորութեանը բաւականութիւն տալու համար՝ զանազան հարցեր էր առաջարկում մեր ծանօթ քաղաքապահին:

—Թագաւորը քեզ մեծամեծ պարգևների կարծանացնէ,—ասաց նրանցից մէկը: Երանի՛ք քեզ, մենք միայն սկերես մնացինք:

—Իսկ դու մոռանում ես յիշել, որ Աստուած ինձ հետ ձեզ ամենրից էլ կախաղանից ազատեց: Չէ՞ որ, եթէ այս աւաղակը չբռնուէր, վաղը մեր ամենքի վերջին ժամը պիտի հնչէր: Վերջին խօսքերն արտասանելիս՝ ամենքի մարմնով մի տեսակ սարսուռ անցաւ: Ամենքն ուրախ էին, որ ազատուեցան անակնկալ մահից:

Գողին ձերբակալելու լուրն արդէն պաշտօնապէս ղեկուցել էին թագաւորին: Հուտով հասաւ թագաւորի հրամանը բանտապետին, որ գողին ատեան բերէ հարց ու փորձի կնթարկելու:

Միւս օրը կարծեցեալ գողին տանում էին

թագաւորի ապարանքը: Ժողովուրդը շրջապատել էր նրան և նրա յետից ու առջևից կնատով՝ կազմել էր մի կանոնաւոր թափոր: Հատ չանցած՝ այդ թափորը կանգ առաւ թագաւորի պալատի: առաջ: Բանտարկեալին ներս տարան ատեան և կանգնեցրին: Թագաւորը իւր պալատականներով նստած էր իւր պատշաճաւոր տեղը:

—Ո՞րտեղացի ես. ի՞նչպէս ընկար այս երկիրը. ի՞նչպէս ես համարձակուել այդքան շարագործութիւններ անել,—տեղում էին թագաւորի հարցերը կարկտի պէս. —խոստովանիր ամենը ճշտօրէն, օրհասող մօտեցած է արդէն: Գնահի՛ծ,—հնչեց թագաւորի անեղ ձայնը:

Իսկոյն յայտնուեցաւ մի երկարահասակ, դաժան դէմքով, շորացած մարդ, ոտքից ցլուխ կարմիր հագած: Նա մի մեծ կեռ թուր պատեանից հանած, ձեռքին բռնած, խոր գլուխ տալով՝ կանգնեց թագաւորի առաջ:

—Խոստովանիր բոլոր շարագործութիւններդ,—ասաց թագաւորը բանտարկեալին:

—Տէր թագաւոր, որպէս բաղդից հալածուած մի օտարական՝ ապաստանել կմ այս քաղաքը իմ վշտերին մոռացումն տալու համար: Գէս գիշերին այս մարդը (մատնացոյց անելով քաղաքապահի վրայ) ինձ քնից զարթեցրեց և

բանտարկել տուաւ, թէ ո՞ր յանցանքիս համար չգիտեմ:

— Ի՞նչպէս անմեղ է ձեռնում. մի՞թէ դու չես այն խանութ կտրողը, այն գողը, որն այդքան շարագործութիւններ կարողանում է ճարպիկութեամբ գործել և որին այնքան հետամուտ լինելով՝ վերջապէս յաջողուել է բռնել: — Դահիճ, պատրաստուիր թռչնելու այս յանդուգն մարդու գլուխը, — որոտաց թագաւորի ձայնը:

— Տէր թագաւոր, երգում եմ Ամենակալի անունով, որ ես այդ գողութեան մասին ոչինչ տեղեկութիւն չունիմ: Խնայիր ինձ, ես անմեղ եմ, ես յանցանք չունիմ: Առանց այդ էլ ես շատ տանջուած ու շարչարուած եմ: Մի՞թէ թոյլ կըտայ Աստուծոյ ընտրեալն առանց որևէ փաստի գլխատել տալ մի անմեղ մարդու: Երկինք, գետինք, ես գող չեմ, ես չեմ կտրել խանութը, խղճա՛ ինձ: Թէև իմ կեանքը միանգամայն անտանելի է դարձած ինձ, թէև մահն այսօր աւելի գերագասելի է կեանքիցս, սակայն չէի ցանկանալ մեռնել որպէս գող, որպէս շարագործ:

Բայց թագաւորի հրամանն անդառնալի էր: Տեսնելով որ ազատուելու հնար չկայ, մեր անձանօթը փորձեց վերջին ճիգն եւ անել, գէթ մի քանի օր եւ վաստակել ապրել:

— Տէր թագաւոր, վերջին խնդիրք ես ունիմ: Տուր ինձ երեք օր ժամանակ գողին որոնելու համար: Իմ կեանքը միշտ քո ձեռին է. երեք օրից յետոյ ես կարող ես ի կատար ածել հրամանդ:

— Չնորհում է քեզ խնդրածդ ժամանակամիջոցը. — ասաց թագաւորը և հրամայեց աղատել նրան կապանքից ու ազատ թողնել:

Պայմանաժամի վերջին օրն է: Օտարականը տխուր, տրտում շրջում էր քաղաքի փողոցները: Ինքն եւ լաւ գիտէր, որ իւր ոյժերն անգօր են գողերին գտնելու համար: Եւ ինչպէս կարող էր քաղաքն իւր համար օտար, մարդիկն անձանօթ: Գառնութեան քաժակը լցուել էր:

Յոյսը կտրած ամենրից՝ վերջը դիմեց Աստուծոյ օգնութեան: Երբորդ օրն է և իւր համար կեանքի վերջին օրը: Վաղը, մտածում էր, վերջ կըտրուի իւր այդքան շարատանջ կեանքին: Բայց ուրախ էր, որ անմեղ է ինքը: Օտարականը կամեցաւ վերջին անգամ տաճար գնալ, վերջին անգամ Աստուծուն աղօթել:

Մտաւ տաճար: Աղօթողների մեծ բազմութիւն կար արգէն: Օտարականը հետաքրքրութիւնից աչքերն անընդհատ այս ու այն կողմն

էր դարձնում. երբեմն յառում առաստաղին, երբեմն պատերին, երբեմն աղօթող բազումութեան: Ամենքը խորին երկիրաժողովեամբ աղօթում էին: Ինքն ևս հետեց նրանց օրինակին: Ինքն ևս իւր սրտի խորքում, լուռ, անձայն, ջերմաջերմ աղօթում էր Աստուծուն՝ վաղուայ մահուան դառն բաժակն անցկացնել իրենից:

Բայց ահա նրա աչքերը կանգ առան մի աղօթողի վրայ, որ հէնց ինքն ըստ ինքեան աչքի էր դարնում: Նա միջահասակ, թխադէմ, սե ու խուճուճ մազերով, հաստ ու կարճ պարանոցով մի մարդ էր: Հագնուած էր բուսական շքեղ կերպով: Աղօթում էր նա... մերթ ժընբազրում, երեսը գետնին էր քսում, հողը լիզում, մերթ կանգնում և երկու ձեռքը բարձր կարկառած, աչքերը երկինք զցած, բարձրաձայն աղօթք էր մրմնջում, մերթ կուրծքն էր ծեծում և աղիողորմ բացականչութիւններ անում, լալիս, հեծկտում, խոր հառաչներ արձակում. և այնպէս անընդհատ...

Օտարականը հայեացքը դարձնում է մի այլ կողմ: Եւ ահա տաճարի մի ուրիշ անկիւնում մի այլ մարդ է աղօթում դարձեալ նոյն ձևով, նոյն շարժումներով, նոյն աղիողորմ լացն ու կոծը, նոյն հառաչանքն ու հեծկտանքը:

Օտարականի հայեացքը գրաւում են այժմ երկու այլ մարդիկ, սրոնք տաճարի երրորդ ու չորրորդ անկիւններում առանձին առանձին կանգնած՝ նոյն ձևով աղօթում էին: Եւ աղօթող բազմութիւնը քաղցր ժպիտով և մի տեսակ խորին ակնածութեամբ նայում էր այդ չորս աղօթողներին:

Դժբաղդ օտարականն սկսեց ուշագրութեամբ գննել նրանց չորսին էլ, չափել նրանց ստից ցլլուխ՝ նրանց դէմքերը, նրանց հագուստները, նրանց ամեն մի շարժումը:

Աղօթելու աւարտման ժամը հասաւ: Բազմութիւնը հեռոցհեռէ դուրս էր գալիս տաճարից: Օտարականն էլ դուրս եկաւ և կանգնեց մեծ դարբասի առաջ, ուր շարիշար կանգնած էին բազմաթիւ աղքատներ, կոյրեր, խեղճեր և նրանց հաստավիղ, առողջ կարմրերես առաջնորդ-ուղեկիցները: Ահա դուրս եկան և այն չորս բարեպաշտ աղօթողներն ու իրենց քսակի բերանը լայն բացած՝ աջ ու ձախ առատ ողորմութիւններ բաշխելով՝ խառնուեցան խուռն բազմութեան հետ և հեռացան սրբավայրից գէպի իրենց տները:

Աղբատներն էլ օրհնութիւն չմնաց, որ չթափէին նրանց գլխին: Օրհնում էին նրանց բարեպաշտութիւնը, նրանց ողորմածութիւնը,

տունը, տեղը, ուղիքը...: Իսկ խուռն բազմութիւնը ձայնակցում էր նրանց՝ «ամէն, ամէն» կրկնելով: Որտեղով անցնում էին նրանք, ամենքը նրանց ճանապարհ էին բաց անում, առաջին գնալը, առաջ անցնելը նրանց էին առաջարկում և նրանց իւրաքանչիւր առաջարկած հարցին հրկիւզածութեամբ, որդիական հնազանդութեամբ էին պատասխանում:

— Բարեկամ, ներեցէք հետաքրքրութեանս, բարի եղէք հաղորդել ինձ, թէ ուրքեր են արդեօք այդ մարդիկը, որոնց ժողովուրդն այդչափ սիրալիւր յարգանքներ է մատուցանում:

— Դրանք մեր քաղաքի բարեպաշտներն են, մեր քաղաքի բարերարները, աղքատների հայր, այրիների հղբայր, թագաւորի և իշխանների սիրելիներն են. ժողովուրդը պաշտում է դրանց:

Եւ այդ խօսակիցը, օտարականի խնդրանք, մի առ մի յայտնեց նրանց իւրաքանչիւրի անունն ու ազգանունը և նրանց բնակարանների տեղը:

Այդ գիշեր մեր թշուառ օտարականը բաւական խաղաղ ու հանգիստ քուն ունեցաւ:

Ը

Առաւօտեան վաղ զարթնեց օտարականը: Նրա սիրտն այժմ բոլորովին խաղաղ էր: 2որ-

րորդ օրն է: Յիշեց, որ պէտք է ներկայանար թագաւորի Ատեանին իւր զեկուցումը տալու, ուր իրեն կամ կեանք, կամ մահ էր սպանուում: Եւ նա քայլերն ուղղեց դէպի թագաւորի ապարանքը:

Օտարականի գալը զեկուցին թագաւորին: Թագաւորը հրամայեց ներս կանչել նրան իւր մօտ:

Պալատական նազիր-վէզիրներն արդէն ժողովուած՝ ատեան էին կազմել: Թագաւորը նըստած էր իւր գահի վրայ: Ներս մտաւ օտարականը և շոքեց թագաւորի առաջ: Նրա ձեռները դողդողում էին:

— Տէր արքայ, — ասաց դողդոջուն ձայնով, — գտայ գուրբին:

Եւ յայտնեց նրանց ո՞վ լինելը, յականէյանունէ կոչելով նրանց իւրաքանչիւրին, ինչպէս տեղեկացել էր արդէն:

— Ի՞նչպէս. համարձակում ես ստուեր ձգել իմ սիրելի, բարեպաշտ և հաւատարիմ մարդկանց վրայ, — գոչեց թագաւորը. խիստ բարկացած: — Գիտենաս, որ կախաղանն այդպիսի յանդուգն ու լիրբ զրպարտութեան համար շատ թեթեւ պատիժ է:

Ապա դառնալով դահճապետին հրամայեց. — Դահճապետ, մաս-մաս կտրատիր սրան:

Մինչդեռ դահճապետը մօտենում էր օտարականին, վերջինս ծունկ խոնարհած թագաւորի առաջ, վճռապէս ու հաստատօրէն պնդում ու կրկնում էր ասածները:

— Տէր թագաւոր, հաճեցէք ձերբակալել նրանց, հետախուզել նրանց բնակարանները և կրօնասէր, որ իմ ասածը ճշմարիտ է: Իմ գլուխը միշտ ձեզ է պատկանում: Աղաչում եմ, գէթ փորձի համար հրամայեցէք ձերբակալել նրանց: Թագաւորը հրկար տատանուելուց յետոյ՝ հրաման արձակեց չորս բարեպաշտներին՝ ձերբակալել և նրանց բնակարանները մանրազննին խուզարկել:

Խուզչուզ տարածուեցաւ ամբողջ քաղաքում. ամենքը մնացել էին ապշած, ամենքի շրթունքներին էլ դարմանքի խօսքեր էին դուրս թռչում և կասկածոտ հայեացքներով իրար հարցընում. «Մի՞թէ, մի՞թէ, մեր բարեպաշտները... տէր Աստուած, այդ ինչպէս կարելի է...»: Չատերը մինչև անգամ այնքան դայրացած էին, որ եթէ իրենց ձեռքն ընկնէր իրենց բարբարոսներին զրպարտողը, մաս մաս կանէին նրան:

Սակայն թագաւորի հրամանն անողոր ու անդառնալի էր: Չարագործներին իսկոյն և եթէ ձերբակալելով՝ շղթայակապ տարան թագաւորի Ատեանը:

Առաջին իսկ վայրկեանից, երբ բարեպաշտների ու թագաւորի հայեացքներն իրար հանդիպեցան, երբ թագաւորն իւր առաջ տեսաւ նոյն գլխակոր, նոյն հեզ ու խոնարհ գէմքերը, նոյն տժգոյն երեսները, առաջին իսկ վայրկեանից, այն, թագաւորի սրտում բորբոքուեցաւ կարեկցութեան բոցը. նրանց շղթայակապ դրութիւնը, նրանց արտաքին տեսքն ու կերպարանքը սաստիկ ազդեցին թագաւորին. մէկ միտք յղացաւ արձակել նրանց, բայց իւր տխրութիւնը զսպելով՝ դիմեց կալանաւորներին:

— Աղաներս, իմ քաղաքի բարեպաշտներ, խոստովանեցէք ձեր յանցանքները, խոստովանեցէք, որ դուք էք եղել այս քաղաքի գողերը, որ ձեր ձեռքով է կատարուել Ս. աղայի խանութի կողոպուտը և այն ամեն գողտնի չարագործութիւնները, որոնք պատահել են քաղաքումս և որոնք այնքան արագ ծածկում անյայտութեան անդունդն էին գորուում: Կայ մէկը, որ ճանաչել է ձեզ և ամբաստանել: Խօսեցէք ճշմարիտը:

Չարագործների հայեացքներն իրար հանդիպեցան: Կասկած ու տարակուսանք էր արտայայտում այդ հայեացքը. «Ո՞վ իմացաւ, կամ ո՞վ կարող էր տեսնել նրանց արարմունքը, ինչպէս են ճանաչել իրենց» — ահա հարցեր, որոնց

գրական պատասխան տալ դժուարանում էին նրանք:

Դարձեալ իրար մէջ հայեացքներ փոխանակեցին: Այս անգամ նրանց ամենքի աչքերի վերին կոպերը ներքև խոնարհուեցան: Այդ իրար մէջ համաձայնութիւն կայացնելու նշանն էր:

Երրորդ անգամ հայեացքներ փոխանակելուց յետոյ, նրանցից մէկը, որ ամենքից տարիւրաւորն էր, ծունկ խոնարհուեց թագաւորի առաջ: Նրան հետևեցին միւսները:

—Ներիր, տէր արքայ, ներիր քո ծառաներին. մենք մեղաւոր ենք. մենք այժմ քո ըստրուկներն ենք: Խոստովանում ենք հրապարակաւ մեր յանցանքները. մենք չնչին արարածներ ենք: Մենք ենք այն անպիտանները, որոնց ձեռքով կատարուել են քաղաքումս տեղի ունեցած բոլոր գողութիւնները: Խղճա՛ մեզ, գթա՛ մեզ վրայ:

Մինչդեռ նրանք խոստովանում էին իրենց յանցանքները, խուզարկուները վերադարձան և մի առ մի պատմեցին, որ բոլոր գողացուած իրեղէնները, նոյնպէս Ս. աղայի խանութի բոլոր կողոպուտը գտնուում են այդ չորս անձերի ստորերկրեայ առանձին պահեստներում:

Քարեպաշտների խոստովանութիւնը մեծ իրարանցումն յառաջ բերեց: Ամբոխը քարա-

ցած էր մնացել: Թագաւորի և պալատականների դէմքերն ապուշի արտայայտութիւն էին կրում: Ամենքի մարմնով մի տեսակ սարսուռ անցաւ: «Ի՛նչպէս, այս բարեպաշտները չարագործներ, գողեր... Եւ մինչև հիմա մեզ յիմարացրել են իրենց արտաքին բարեպաշտական ձևերով... Տէր Աստուած, հաւատա՛նք արդեօք մեր ականջներին, մեր աչքերին...»

Եւ ամբոխը կարծես մի ձայն, մի բերան դարձած՝ միաբերան մի աղաղակ բարձրացրեց.

—Մահ չարագործներին... թող կորչին կեղծ բարեպաշտները...:

—Օտարական,— որոտաց թագաւորի հանդու հրամայողական ձայնը,— դուրս եկ կանգնիր ատենախ առաջ:

Օտարականն աներկիւղ և վստահ քայլերով առաջ անցաւ և խոր դուռն իջեցնելով թագաւորին՝ կանգնեց:

—Պատմիր՝ թէ ինչպէս ճանաչեցիր և ինչպէս գտար դու սրանց, որոնք իրենց ճարպիկութեամբ այսքան երկար խուսափել են մեր աչքերից:

—Տէր արքայ, դրա պատմութիւնը շատ երկար է, բայց ես կաշխատեմ շատ համառօտել:

Եւ օտարականը մի առ մի պատմեց իւր գլխին եկած դէպքը, իւր բարեպաշտուհու, իւր

հարսնացուի ընտանեկան կեանքը բոլոր մանրամասնութեամբ, նրա ջերմագին աղօթքները, նրա աստուածպաշտութիւնը, նրա հետ ամուսնանալու պայմանները, ամուսնութիւնը, նրա աղօթքի պատրուակով առանձնարան ապարանքում կատարած անառակութիւնները և վերջապէս իւր կեանքից ձեռք վերցնելն ու պանդխտութեան ցուպը ձեռքն առնելը...

— Երբ ես, — այսպէս վերջացրեց օտարականը, — պայմանաժամիս վերջին օրը, վերջին անգամ կամեցայ տաճար մտնել, աղօթել Աստծուն, ահա այդ ժամանակ իմ աչքով ընկան այս չորս մարդիկը, որոնց ամբողջ քաղաքը բարեպաշտի մեծ անունն է յատկացրել: Երբ տեսայ սրանց տարօրինակ աղօթելու ձևերը, սրանց լացն ու կոծը, սրանց սրտից դուրս արձակուող հառաչանքները, սրանց կուրծք ծեծելը, սրանց հեծկլտանքը, սրանց հող լիզելը, սրանց... բայց որ մէկը թուեմ, — իսկոյն յիշեցի իմ բարեպաշտուհուն, իմ անառակ կնոջը և մտքումս ասացի՝ «Սրանք իմ անառակ կնոջ ցեղիցն են, սրանք պէտք է լինին գողերը»: Մնացածն արդէն յայտնի է քեզ:

Հետեւալ օրը քաղաքի լայն հրապարակի վրայ չորս տեղ կախաղանի սիւներ էին կանգնեցրել: Իւրաքանչիւրից մի-մի պարան կախուած և իւրաքանչիւրի տակ մի-մի փոս փորուած փոսերի ծայրերին դրած էր մի-մի ախոռ, որոնց մօտ կանգնած էին մի-մի դահիճ՝ կարմիր բաճկոնակ հագած: Քաղաքի համարեա ամբողջ բնակչութիւնը խոնուած էր այդտեղ: Ներկայ էր և թագաւորը իւր պալատականներով:

Պահապան զինուորները չորս շղթայակապ բանտարկեալ էին բերում այդ հրապարակը: Ամենքի աչքերը հետաքրքրութեամբ նայում էին դէպի այն կողմը: Ամենքն ուրախ էին, որ այդ բարեպաշտական կեղևի տակ ծածկուած չարագործութիւնը յայտնի եղաւ և պիտի պատժուի:

Վերջապէս գողերին հրապարակ բերին և իւրաքանչիւրին իւր օրոշեալ տեղը կանգնեցրին: Ի լուր խուռն բազմութեան կարդացին յանցաւորներին մահուան դատաւճիռները: Այնուհետև հագցրին նրանց մի-մի սպիտակ երկար շապիկ: Պահիճներից իւրաքանչիւրը մօտենալով իւր գոհին՝ պարանների ոլորած ծայրերն

անցկացրին նրանց վզերը և ոտքերի տակից դուրս քաշեցին աթոռները:

Հանդիսատես բազմութեան առաջ նոր տեսարան պատկերացաւ... Չորս սպիտակ մարմիններ ճօճւում էին, որպէս ճախարակ, օդի մէջ: Մի քանի վայրկեան, և ահա իւրաքանչիւրը նրանցից սկսեց այնպիսի ցնցումներ գործել, այնպէս կծկուիլ, որ տեսնողին սոսկումն էր պատճառում: Փափկասիրտ կանայք և թուլամորթ մարդիկ չկարողացան տանել այդ տխուր տեսարանը. նրանք շրջեցին իրենց երեսները, որ շտեմանն այդ գարհուրելի պատկերները: Հատերը լալիս էին, շատերն էլ իսկոյն ևեթ թողին պատժավայրը և շտապով հեռացան, բայց նրանցից շատերին, դեռ շատ երկար միջոց, նոյն պատկերները, որպէս ուրուականներ, երևում էին գիշերները երազներում և նորից այն ահռելի տեսիլները պատկերանում նրանց յիշողութեան մէջ ու նոր ի նորոյ սոսկում և ահաբեկում նրանց սրտերը:

Մի քանի վայրկեան ևս... և դադարեց ամեն մի ցնցումն, և սպիտակ մարմիններից իւրաքանչիւրն ուղղաձիգ կախուեցաւ կախազանների սիւներից: Մօտեցան դահլճները սուր ի ձեռին և կտրեցին իւրաքանչիւրի պարանը:

Անշնչացած դիակները, թրմբոց բարձրացնելով, ընկան փորուած խորխորատները:

Ժողովուրդը տխուր և յուզուած սրտով հեռացաւ այդ պատժավայրից:



Միւս օրը թագաւորի մունետիկը քաղաքի իւրաքանչիւր հրապարակի վրայ կանգնելով թագաւորի կամքն էր յայտնում ժողովուրդին, որ օտարականին թագաւորը կարգել է իրեն մեծ խորհրդական:

